



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

UPUTSTVO

o zabrani uvoza određenih pošiljki radi sprečavanja unosa u Bosnu i Hercegovinu afričke svinjske kuge

Član 1.

(1) Radi sprječavanja unosa u Bosnu i Hercegovinu afričke svinjske kuge zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki:

- a) živih domaćih i divljih svinja;
- b) sjemena domaćih i divljih svinja;
- c) embrija/jajnih stanica domaćih i divljih svinja;
- d) svježeg mesa domaćih i divljih svinja;
- e) proizvoda od mesa domaćih i divljih svinja, koji nisu bili obrađeni na način da je sa sigurnošću uništen virus afričke svinjske kuge;
- f) proizvoda životinjskog porijekla (od svinja) namijenjenih za poljoprivrednu, industrijsku i drugu upotrebu, koji nisu bili obrađeni na način da je sa sigurnošću uništen virus afričke svinjske kuge;
- g) proizvoda životinjskog porijekla (od svinja) namijenjenih farmaceutskoj ili medicinskoj (hirurškoj) upotrebi, koji nisu bili obrađeni na način da je sa sigurnošću uništen virus afričke svinjske kuge;
- h) patološki materijal i biološki proizvodi (od svinja), koji nisu bili obrađeni na način da je sa sigurnošću uništen virus afričke svinjske kuge.

a koji su porijeklom iz:

- vojvodstava Lubelskie, Mazowieckie, Podlaskie i Warmińsko-Mazurskie u Republici Poljskoj,
- okruga Heves i Szabolcs-Szatmár-Bereg u Mađarskoj,
- regije Zlin u Češkoj Republici,
- Estonije,
- Latvije,
- Litvanije,
- Moldavije.

(2) Pored navedenog, zabranjuje se uvoz živih domaćih i divljih svinja koje potiču iz drugih regija i država ako se prije ulaska na teritoriju Bosne i Hercegovine prevoze preko područja navedenih u stavu (1) ovog člana.

Član 2.

Bez obzira na odredbe navedne u članu 1. ovog Uputstva, zabrana se ne odnosi na pošiljke navedene u članu 2. Odluke o zabrani uvoza i provoza određenih pošiljki u Bosnu i Hercegovinu radi sprečavanja unošenja afričke svinjske kuge („Službeni glasnik BiH“, br. 82/11, 90/12).

Član 3.

Ukoliko se zabrana odnosi na cijelu državu, stupanjem na snagu ovog Uputstva, privremeno prestaju važiti sva Rješenja o nepostojanju veterinarsko-zdravstvenih smetnji izdata za uvoz pošiljki roba navedenih u članu 1. ovog Uputstva.

Član 4.


Stupanjem na snagu ovog Uputstva prestaje važiti Uputstvo o zabrani uvoza određenih pošiljki radi sprečavanja unosa u Bosnu i Hercegovinu afričke svinjske kuge (broj: 02-4-02-2-244-2/18 od 23.04.2018. godine)

Član 5.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu afričke svinjske kuge.

Broj: 02-4-02-2-244-3/18

Datum: 21.05.2018



DIREKTOR.

Subomir Kalaba

Dostaviti:

- Svim graničnim veterinarskim inspektorima;
- Odjeljenje za zdravlje i dobrobit životinja;
- Odjeljenje za sigurnost hrane i uslove u objektima;
- Arhiva.